



COMUNU DE CUARTU S. ALENI

Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018.

IN CUARTU ATÒBIU CUN SU FÈSTIVAL FIND

Is spetàculus culturalis, a incuru de su Comunu de Quartu cun sa rassinnia chi at allutu s'istadi cuartesa, sighint fintzas in Atòngiu e duncus s'ant a acapiai cun cuddus prevèdius po is festas de Paschixedda.

Da is cuncertus a is cunferènzias, da is mustras a is amostadas teatralis, eventus de dònna genia e po totus is edadis chi fintzas su pùblicu cuartesu, e non sceti, at imparau a apretzai meda. Imoi, cun s'agiudu de sa cooperativa Maya, lompit in Quartu fintzas su Fèstival FIND, chi sighit in sa faina de su progetu culturali e cosa sua, incarrerau giai 39 annus a oi, candu in Casteddu e in totu Sa Sardinnia sa dantza, pruschetotu cudda de oi, non dda connosciat nemus.

Su FIND podit bantai sa primu esibizioni de Enzo Cosimi, Fabrizio Monteverde, Virgilio Sieni, e is nòminis mundialis de importu cumentu a Angelin Preljocaj, Daniel Ezralow, Kazuo Ohno. Apitzus de custa basi, su fèstival fait is progetus nous. Sa calidadi e s'innovazioni de sa proposta artìstica ant fatu arriciri, in is annus 2019-21, s'arreconnoscimentu de **EFFE – Europe for Festivals, Festivals for Europe**, una de is fainas prus de importu de s'EFA (European Festivals Association). Agiudau e finantziau in parti da s'UE, EFFE Label mirat a scioberai is grandus fèstival Europeus in pei in su mundu de sa cultura, de s'arti e de su spetàculu. Est duncas unu marcu de calidadi chi benit arreconnotu a is eventus culturalis cun mira de amanniadura sotziali, econòmicu e educativu.

Anca est s'Auditòrium de sa scola de Bellavista funt stètius programaus 3 atòbius, chi previdint de amostai **'Breaking 8'**, eventu de bideo dantza chi si fait cun s'agiudu de una retza de fèstival internatzionalis: **Video Movimiento (Colombia), Screen Dance Festival (Svezia), FIVC (Cile)**. Is fèstival partner non sceti donant is òberas de bideu dantza prus bellas in is rassinnias mundialis insoru, ma assecurant su spàinu de is bideus italianus chi su FIND scioberat po mèdiu de unu bandu pùblicu e amostat innantis de is spetàculus. Is atòbius funt improntaus po sàbudu 20 e sàbudu 27 a oras de is 21.00, domìnigu 28 a oras de is 21.00. In is primus duus atòbius is bideus ant a essi acumpangiaus da

duus perfomance de dantza de oi: **‘L’effet papillon’** de sa compangia frantzesa Art Mouv e **‘Small living space’**, de sa cumpangia abrutzesa ‘Gruppo e Motion’.